

بُعد رابع

Email : info@darak-egy.com

ت- 010 27251915 --02 24832669

51 ب شارع النزهة – من امتداد رمسيس – القاهرة.

جميع حقوق الطبع والتوزيع محفوظة للناشر.



الكتاب : بُعد رابع

المؤلف : محمود عصام

تصميم الغلاف : كريم آدم

تدقيق لغوي : أحمد أسامة

رقم الإيداع : 2016 / 23321

الترقيم الدولي : 0 – 4 – 85316 – 977 – 978

الطبعة الأولى : 2017

محمود عصام

بُعد رابع

ديوان



وكيف تكون بدايتي .. إن لم تكن عنك

T.Q A

2628

المقدمة

زوايا رؤيتنا نسبيّة

تتغيّر باختلاف الأشخاص والأماكن والأزمنة

هذا الديوان لا يعيدك بطرح أشياء جديدة


فـلربما تجد وصف لـ ساعتك السوداء

أو لـ غرفتك الخاصة

ولكن

كما لم تراها من قبل ..

قبل السويس بـ 2 كيلو



EGYPT	مصر
٤٣٥٧	طس ل

Soundtrack : search → Youtube : Zoe & Kate (No Reservations soundtrack)

- لازم نتكلم دلوقتي

عن إيه اللي اتقالك عن حالي

عن لما هكون مش في حياتكوا

عن مين هيجيب احتياجاتكوا

عن " آدم "

لما يجيب سيرتي

وإجابةً " إن إنتي سافرتي "

أو هتخليه يقبلها إزاي

أو إنك تعرف تعمل شاي

لازم ما نسيبش حاجات ناقصة

الدنيا بتدينا الفرصة

أنا مش قدامي كتير فاضل

..

أنا عارفه يا (عادل)

- أنا مش هتكلم وانا سايق

قدامنا دقايق

وهنوصل

أنا أصلاً خلصان

مش فايق

مش ناقصة كلام أهبل ساذج

يتعب أعصابي

ولا ليا مزاج إنك تتغايي

فياريت تناميلك رُبعاية

ما فاضلش كتير

وعشان ترتاحي مفيش حاجة

ربنا مش كاتب غير الخير

(عادل) ما قَدِرْش يقول حاجة

فيه كلام مخلوق مالهبوش نبرة

فيه كلام مخلوق مالهبوش يتقال

(عادل) ما قَدِرْش يقول لـ (منال)

إنها هتموت في خلال أيام

كان نفسه إنها تتعب وتنام

كان نفسه يبصلها دقايق

من غير ما تحس

ويعيِّط بس

فضلت بصّاله لوقت طويل

نظرات بتأني

بتقوله

(خلاص هتغيب عني)

وحوار بيدور من جواها

لكنه مرّكز في طريقه

مش عايز يظهر لها ضيقه

ولا حتي مبينّ إنه معاها

لكن ما قدرش يكون أقوي

أوقات الضعف بيستقوي

ف عيونه ألتفتت لعينها

وباريتته ما كان بصّ عليها

وَقَفُّ علي جنب في لحظتها

وارتاح من لمس كفوف إيدها

كان عايز يبكيها لأيام
من غير ما يرد بأي كلام
فحضرها وطول في الضمة
كان حضر بـ ميت مليون كلمة

والمشهد وَقَّفْ تفاصيله
علشان يبكيها وتبكيه

قبل السويس بشوَّتين
قبل السويس بـ اتنين كيلو



0224832669 - 01027251915



info@darak-egy.com



<https://www.facebook.com/darak.publishing>